

in seipso, nisi tollatur ejus existentia in mundo, quia etiam in mundo existens est in seipso. 2. in seipso non intelligitur subjectivè ut in subjecto, non ut in se ponat aliquid reale à se realiter diversum, non ut ideo non sit ubique, sed negativè, quia non est extra se, non divisibiliter aut partibiliter, sed totus totus ubicunq; est impartibiliter, & nihil extra seipso est. Obj. 2. *Deum non esse in nihilo, non operari in nihilo.* R. Deum operari posse ibi & in eo, quod cum nihil sit, à nobis concipitur per modum spatii, est indubium, cum alicubi existens creavit mundum, qui ante sui creationem nihil erat, sic creare potest novum mundum extra mundum, ibi, & in eo spatio, quod revera est nihil. Obj. 3. *DEUM præsentem esse extra mundum notare rationem & habitudinem præsentia DEI ad nihilum, quod est absurdum & falsum.* R. Præsentia relativa concepta & modificata ad nihilum, est absurda: præsentia absoluta & intrinseca, quæ nihil aliud est quam DEI existentia in aliquo ubi quocunq; non est absurda. Deinde nec vox præsentia in spat. imagin. urgetur aut præcipitur alicui, uti Dn. Calvinus rectè ait: *Si non dicendus est præsens extra hunc mundum, dicetur saltem Deum non contineri immensitate substantiali hoc universo, sed porrigere se se extra hoc universum in infinitum, ubi imaginamur spatia innumera: sicut non dicitur, quod spatia imaginaria repleat sed quod in immensum sese porrigat divina substantia.* p. 420. c. 1.

Q. XV. *An DEVS quædam velit voluntate signi, quæ nolit voluntate beneplaciti?*

N. contra Calv.

§. 1. Sic Calvinus, Beza, Piscator, Zanchinus, Retorfortis de Antith. prov. p. 3. & alii, circa idem dicunt, DEUM aliquid exterius velle, credere sc. reprobos, quod tamen secum voluntate beneplaciti nollet, nolle sc. eos reprobos credere: Exterius docere ipsum, se velle omnium hominum salutem, secum autem se non velle omnium.

§. 2. Distinctio ipsa voluntatis signi & beneplaciti relata Thef. con. ad diversa objecta, bona est & usurpata à Schola & nostrat: firm. Illiq; respondere potest voluntas signata vel revelata & huic ab-

C

scondita